



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. I. Præmittuntur quæ apud omnes sunt certa, & referuntur sententiæ

[urn:nbn:de:hbz:466:1-78232](#)

defectum qui sunt media ad ipsam, si non per se, saltem per accidens, ut diximus. Unde in forma, concecta Majori, distinguo Minorem: quod naturaliter homini convenit, non est effectus aut pena peccati, si non supponatur impedimentum per gratiam, concedo Minorem: si impedimentum supponatur, nego Minorem, & Consequentiam.

A secundum respondeo veram esse Majorem de causa per se, falsam autem de causa per accidens: peccatum verò originale, ut diximus, non est causa per se mortis, & aliorum defectuum corporalium, sed per accidens tantum, & tanquam removens prohibens: unde illo dimisso in baptismō, potest perseverare in homine necessitas moriendi, non restitutā per illum originali justitiā, quantum ad effectum ejus secundarium, qui erat per se & subiecto corpus animae, illudque per talēm subiectiōnēm reddere impossibile & immortale.

Ad tertium similiter distinguo Majorem: causa equalis aequalē producit effectum, si sit causa per se, concedo Majorem: si sit causa tantum per accidens, nego Majorem. Solutio est D. Thomae hic art. 5. ad 1. ubi sic ait: Dicendum quod aequalitas causæ per se, causat aequalē effectum... sed aequalitas causæ removentis prohibens non ostendit aequalitatem effectuum: si quis enim aequali impulsu direllat columnas, non sequitur quod lapides superpositi aequaliter moveantur, sed ille velocius movebitur, qui gravior erit secundum proprietatem suę naturę cui relinquitur, remoto prohibente. Sic igitur remota originali iniustitia, natura corporis humani relata est libet: & secundum hoc, iuxta diversitatem naturalis complexionis, quorundam corpora pluribus defectibus subiaceant, quorundam verò paucioribus, quamvis existente originali peccato aequali.

ARTICULUS III.

Quid si macula peccati, seu peccatum habituale personale?

§. I.

Pramittuntur que apud omnes sunt certa, & referuntur sententia.

SUPPONO primum, ex peccato præterito reslinqui quandam maculam in anima peccatoris, per quam habitualiter dicitur maculata, immunda, Deo invisa, &c. Ita colligit ex Scriptura, in qua peccatum frequentissime appellatur macula, immunditia, sordes, &c. Item justificatio, quā homo transferitur à statu peccati, ablutio & mundatio dicitur, ut patet ex illo Ezechiel. 36. Effundam super vos aquam mundam, & mundabimini ab omnibus iniquitatibus vestris. Præterea, ut discutitur D. Thomas hic art. 1. macula in rebus spiritualibus dicitur ad similitudinem maculae in rebus corporalibus. Sicut ergo corpus aliquod maculari dicitur, quando ex contactu & commixtione alterius, nativum amittit splendorem seu nitorem, ut vestis, cum inficitur luto vel oleo: ita anima maculam spiritualem contrahit, dum inordinato voluntatis affectu, qui est veluti quidam anima taftus, creaturæ adhaerens, perdit nitorem & splendorem, quem habet ex resplendentia divini luminis, scilicet sapientiae & gratiae, per quam

A ab benē & decenter agendum perficitur. Unde Augustinus (ab eodem S. Doctore opusc. 61. cap. 13. relatus) ait quod anima media inter Deum & creature, conversione ad Deum illuminatur, melioratur, & perficitur: conversione ad creature obtenebratur, deterioratur, & corruptitur.

Hanc rationem confirmat & magis illustrat S. Doctor hic qu. 86. art. 1. resp. ad 2. ex differentia quæ inter intellectum & voluntatem reperitur: Nam actus intellectus (inquit) perficitur secundum quod res intelligibiles sunt in intellectu per modum ipsius intellectus, & ideo intellectus ex eis non instruit, sed magis perficitur. Sed actus voluntatis consistit in motu ad ipsas res, ita quod amor rei amatae animam conglutinat: & ex hoc anima maculatur, quando inordinate iubaret; secundum illud Osee 9. facti sunt abominabiles, sicut ea quæ dilexerunt.

Suppono secundum, hanc maculam remanere in homine, donec peccatum à qua causatur fieri remisum, & infusa anima gratia justificans, ut patet ex illo Iosue 22. Peccatum in Beelphgor, & usque in presentem diem macula huīus sceleris in vobis permanet.

Suppono tertium, maculam peccati mortalis, de qua solum agimus in praesenti, esse idem omnino quod peccatum habituale, & solo nomine distingui, quamvis inter haec duo nomina unum altero magis vel minus rem explicet: in hoc enim quod est exprimere Dei offensam, adhuc per penitentiam non retrahatam, videtur antecedere hoc nomen, peccatum habituale: in hoc verò quod est significare turpitudinem & privationem nitoris debiti subiecto, videtur quod hoc nomen, macula, excedit. Ratio hujus suppositionis evidens est: nam esse maculatum & immundum coram Deo (quod est effectus formalis maculae) nihil aliud est, quam a se peccatis coquinatum, & esse Deo injurious & offendit; quod est effectus formalis peccati habitualis: ubi autem effectus formalis est idem, eadem debet esse forma vel quasi forma tribuens talem effectum. Unde Theologi his temporibus maculam peccati, & peccatum habituale, pro eodem indifferenter usurpant: apud antiquos verò complexum illud, peccatum habituale, non erat in usu (ideoque apud S. Thomam nusquam reperiatur, nec Bergomensis in sua tabula aurea ejus mentionem fecit) sed nomen peccati ad solum actuale vel originale restringebant, & quod nos peccatum habituale dicimus, illi non nisi peccati maculam appellabant.

Suppono ultimum, peccatum habituale aliud esse originale, quod per generationem transfunditur, & resultat in nobis ex peccato actuali Adami, quo Dei præceptum in paradiſo terrestri violavit, de quo fuisse egimus disputatione præcedenti: aliud personale, quod resultat ex peccato actuali à nobis commisso, & in nobis remanet, donec per contritionem & infusionem gratiae auferatur: & de isto in praesenti disputamus, & inquirimus quid illud sit, sive in quo formaliter consistat?

Varie circa hoc opinantur Authores. Scotus in 4. dist. 14. qu. 1. afferit maculam peccati consistere in ordinatione passiva ad peccatum ut disconvenientia anima, seu in relatione rationis resultante in anima, propter culpam commissam; quam dicit appellari maculam, reatum, & offendit.

20.

21.

22.

23.

fensam, diversa ratione: Nam quatenus respicit animam, & est illi disconveniens, dicitur macula; quatenus referatur ad paenam, appellatur reatus seu obligatio paenæ, quatenus vero provenit ex actione divinae voluntatis ordinantis peccatorum ad paenam, vocatur offensa. Scotum sequuntur Gabriel, Major, Almainus, & alii Nominales, quamvis in modo explicandi talēm doctrinam, nonnihil dividantur.

Alii docent cum Vazque hic disp. 139. cap. 5. hominem transactu peccati non denominari habitualiter peccatorem ab aliquo sibi intrinseco, sed ab extrinseco, nempe a peccato actuali præterito, quod etsi physicè transierit, mortaliter tamen perseverare censetur, donec per penitentiam retractetur, & per infusionem gratiae tollatur: unde illi Authores maculam peccati, seu peccatum habitualis, in sola denominatione extrinseca, proveniente a peccato præterito non retractato, consistere asseverant.

Alii vero illud ponunt in aliquo habitu, quo anima & voluntas manent conversæ habitualiter ad bonum commutabile sicut ad finem ultimum, & à Deo aversæ. Ita Lorca, Martinez, Nunno, & alii, qui docent peccatum originale consistere in conversione habituali ad creaturam: eodem modo, servata proportione, de peccato habituali personali philosophandum existimant.

Denique S. Thomas hic art. 1. & 2. & alibi passim assertum est, maculam peccati non esse aliquid positivum, sed formam habere consistere in privatione nitoris animæ in ordine ad suam causam, quæ est peccatum actualis. Unde fit

§. II.

Confutantur tres prime sententia, & quarta statuitur.

Dico primò, maculam peccati non esse ordinationem passivam ad paenam peccato debitam.

Probatur conclusio multipliciter. In primis enim prius intelligitur in hominie macula ex peccato relata, quam deputatio ad paenam; ideo enim quis deputatur ad paenam, quia est culpabilis seu peccator, & peccati macula infectus: Ergo deputatio seu ordinatio passiva ad paenam non est ipsa macula peccati, sed ipsam prius factam naturam supponit. Unde D. Thomas in 2. dist. 42. in expposit. textus ait quod macula est medium inter actum peccati & reatum, quasi effectus actus, & fundamen:um reatum.

Probatur secundò: Etsi Deus statuisset nullam inferre paenam peccato, adhuc esset anima post actum peccati maculata, immunda, & in statu peccati: Ergo macula propriè non est ordinatio ad paenam.

Tertiò: Damnati in inferno novas maculas contrahunt ex peccatis que ibi continuè committunt; & temen cum non sine amplius in statu demerendi, utpote in termino existentes, non ordinantur à Deo ad novam paenam. Ergo idem quod prius.

Quartò: Remissi culpa, & ablata macula, adhuc remanere potest ordinatio ad paenam, quia in justificatione non semper pena omnino remittitur, sed mutatur aeterna in temporalem, iuxta illud Augustini: Ne culpa putaret parva, si cum ea siniretur & pena, prolixiorum esse voluit paenam, quam culpam: temporaliter enim

A detinet paenam, quem iam reum ad damnationem non detinet culpa. Ergo macula peccati non consistit in ordinatione ad paenam.

Denique macula apud omnes est de genere mali culpe, cum sit ipsum habituale peccatum, atque adeò nequit ab aliquo Dei actu, sive per modum effectus, sive per modum denominationis provenire: ordinatio vero passiva peccatoris ad paenam, procul dubio est de genere boni; nam bonum & justum est peccatorem ad paenam definiri, imo est effectus vel denominationis ipsius actus divini destinantis: igitur ratio maculae consistere nequit in tali ordinatione.

Hæ rationes adeò convincentes sunt ad demonstrandum peccatum habituale non consistere in deputatione passiva ad paenam, ut Scotti stū Magistrum interpretari conentur, & assertant ipsum per ordinem seu deputationem ad paenam intellexisse paenam condignitatem, & in excollocaſe effientiam peccati habitualis. Verum hæc interpretatio non juvat, nec sententiam Scotti probabiliorem reddit: Nam condignitas paenæ est proprietas consequens culpam, sicut condignitas premii consequitur bonitatem moralem aetius meritiori: Ergo essentia peccati habitualis consistere nequit in reatu seu deputatione ad paenam, accepta pro condignitate paenæ.

Confirmatur: Non ideo aliquis est peccator, quia est dignus paenæ, sed potius econtra dignus est paenæ, quia est peccator: Ergo peccatum habituale non constituit ira condignitate paenæ.

Dico secundò, maculam peccati, seu peccatum habitualis, non esse solam denominationem extrinsecam, delumptam a peccato actuali præterito.

Probatur primò: Peccatum habituale criminale est aliquid nobis intrinsecum, & distinctum à peccato actuali Adami, atque ab eo derivatum, ut contra Pighium, & Catharinum disputatione præcedenti ostendimus: Ergo similiter peccatum habituale personale erit aliquid nobis intrinsecum, distinctum à peccato actuali præterito, & non sola denominatione extrinseca ab illo petita. Consequentia pater: Tum quia peccatum habituale personale non minus debet esse intrinsecum, nec minus sufficere physicè peccatorem adulsum, quam peccatum habituale originale afficit parvulum: Tum etiam, quia si peccatum actualis Adami vim habet transfundendi in posterios aliquid habituale intrinsecum, quod vere & propriè peccatum sit, verèque & intrinsecè illos denominet peccatores, à fortiori relinquere debuit in Adamo aliquid habituale intrinsecum, per quod vere & propriè peccator dicetur: cumque eadem sit ratio de peccato actuali aliorum hominum, dicendum est ex eo aliquid intrinsecum derivari, quo peccatores denominantur, & quod macula peccati, seu peccatum habituale dicitur.

Probatur secundò conclusio: Denominatione exprimens permanentiam & statum, seu modum effendi fixum & quietum, non potest sumi ab eo quod est transiens, & se habet per modum tendentiae & motus; nam inter denominationem & formam denominantem debet esse proportionatum ad modum effendi: Sed denominatione iniusti & peccatoris dicit aliquid permanens, & fixum ac quietum; peccatum vero actualis est quid transiens, & dicit fluxum & tendentiam in aliud: Ergo denominatione peccatoris non sumi-